



Broj: 02-sl.
Goražde, 12.12.2023.godine

Gradsko vijeće Grada Goražda
Predsjedavajući Gradskog vijeća

PREDMET: Dostavljanje materijala za vanrednu sjednicu Gradskog vijeća Grada Goražda

Poštovani,

U prilogu Vam dostavljamo Odluku o osnivanju Javne ustanove – Edukacijsko-rehabilitacijski centar za djecu, mlade i odrasle osobe s teškoćama u razvoju Grada Goražda, radi uvrštavanja na Dnevni red vanredne sjednice Gradskog vijeća Grada Goražda.

S poštovanjem,

DOSTAVLJENO

1. Naslovu,
2. U dosije
3. a/a

GRADONAČELNIK

ERNEST IMAMOVIĆ



Na osnovu člana 13. alineja 16. Zakona o principima lokalne samouprave u Federaciji Bosne i Hercegovine („Službene novine F BiH“ broj: 49/06 i 51/09), članova 2., 3. i 6. Zakona o ustanovama („Službeni list Republike Bosne i Hercegovine broj: 6/92, 8/93 i 19/94), članova 17. i 88. Statuta Grada Goražda (“Službene novine Grada Goražda” broj: 5/98), Gradsko vijeće Grada Goražda, na _____ vanrednoj sjednici donosi:

ODLUKU

o osnivanju javne ustanove Edukacijsko-rehabilitacijski centar za djecu, mlade i odrasle osobe s teškoćama u razvoju Grada Goražda

Član 1.

Ovom Odlukom osniva se Javna ustanova Edukacijsko-rehabilitacioni centar za djecu, mlade i odrasle osobe s teškoćama u razvoju Grada Goražda, za obavljanje brige, stručnih i drugih poslova za potrebe djece, mladih i odraslih osoba s teškoćama u razvoju Grada Goražda i šire zajednice (u daljnjem tekstu: Centar)

Član 2.

Odlukom o osnivanju Centra utvrđuje se:

- naziv osnivača,
- naziv i sjedište ustanove,
- djelatnost,
- sredstva za osnivanje i početak rada ustanove,
- izvore i način obezbjeđivanja sredstava za rad ustanove,
- međusobna prava i obaveze između osnivača i ustanove,
- način raspolaganja viškom prihoda nad rashodima i način na koji se pokriva višak rashoda nad приходima,
- prava, obaveze i odgovornosti Centra u pravnom prometu,
- rokovi za poduzimanje radnji i donošenje Pravila Centra i imenovanje organa upravljanja i rukovođenja Centrom

Član 3.

Ustanova će poslovati pod nazivom Javna ustanova Edukacijsko-rehabilitacijski centar za djecu, mlade i odrasle osobe s teškoćama u razvoju Grada Goražda. Skraćeni naziv Javne ustanove je “Edukacijsko-rehabilitacijski centar Goražde”.

Član 4.

Sjedište Centra je u Goraždu, Ul. Maršala Tita 2 u Goraždu.

Član 5.

Centar stječe status pravne osobe danom upisa u sudski registar. Centar ima pečat i štambilj čiji će se oblik i sadržaj propisati Pravilima Javne ustanove. Centar može imati organizacijske jedinice koje će biti osnovane s ciljem obavljanja registrirane djelatnosti. Odluku o osnivanju organizacijskih jedinica Centra donosi Osnivač uz saglasnost Gradskog vijeća Grada Goražda.

Član 6.

Osnivač Centra je Grad Goražde Ul. Maršala Tita 2 (u daljnjem tekstu; Osnivač).

Član 7.

Djelatnost Centra je:

- 88.91 - djelatnost dnevne brige o djeci
- 88.99 - ostale djelatnosti socijalne zaštite bez smještaja
- 86.90- ostale djelatnosti zdravstvene zaštite
- 85.59 - ostalo obrazovanje i edukacija.

Obavlja i druge djelatnosti koje služe obavljanju naprijed navedene djelatnosti, koje se uobičajeno obavljaju uz upisane djelatnosti.

Član 8.

Ciljevi i zadaci radi kojih se osniva Centar su:

- odgoj i obrazovanje djece, mladih i odraslih osoba s teškoćama u razvoju sciljem izgradnje ličnog identiteta, socijalne integracije, pripreme za život prije i nakon obrazovanja, a prema prilagođenom nastavnom planu i programu,
- poticanje djece, mladih i odraslih osoba s teškoćama u razvoju kroz individualne i grupne rehabilitacijske poticajne mjere,
- dnevno zbrinjavanje djece, mladih i odraslih osoba s teškoćama u razvoju i radno osposobljavanje.

Član 9.

Osnovni kapital Centra u visini od 2.000.00 KM (slovima: dvijehiljade konvertibilnih maraka) osigurat će se iz Budžeta Grada Goražda.

Sredstva potrebna za rad Centra osigurat će se:

- iz budžeta: osnivača, Bosansko-podrinjskog-kantona Goražde, Federacije BiH i BiH,
- na osnovu ugovora s općinama, Bosansko-podrinjskim kantonom Goražde, Federacijom BiH, drugim organima vlasti i drugim korisnicima usluga Centra, koji iskažu namjeru saradnje sa Centrom, kao učešće u pokriću dijela ili ukupnih troškova Centra,
- iz fondova,
- od naknade za pružanje vlastitih usluga,
- od sredstva korisnika Centra,
- od kamata na sredstva deponovana u banci,
- od donacija, legata, zadužbina,
- iz prihoda od zakupa za korištenje prostora, opreme i usluga radnih timova,
- iz drugih izvora prikupljenih u skladu sa zakonom, ovom odlukom i Pravilima Centra

Član 10.

Osnivač će svoja osnivačka prava, osim onih utvrđenim zakonom, vršiti u pravilu preko organa upravljanja Centra, a u izvanrednim prilikama kad dođe u pitanje obavljanje same djelatnosti, može postavljati direktne zahtjeve.

Višak prihoda nad rashodima Centra, uz suglasnost Osnivača koristit će se za obavljanje i

razvoj djelatnosti zbog koje je osnovan.

Za višak rashoda nad prihodima Centar odgovara svojom imovinom, a ukoliko se obaveze ne mogu podmiriti iz imovine, Osnivač odgovara supsidijarno.

Član 11.

U pravnom prometu s trećim osobama Centar zaključuje ugovore i vrši druge pravne poslove u okviru registrirane djelatnosti.

Za preuzete obaveze u pravnom prometu Centar odgovara imovinom kojom raspolaže. Osnivač je solidarno odgovoran za obaveze Centra koje su nastale kao rezultat rada u okviru registrirane djelatnosti.

Imovina Centra čija je vrijednost veća od 10.000,00 KM (slovima: deset hiljada konvertibilnih maraka) ne može se steći, opteretiti ni otuđivati bez pismene saglasnosti Osnivača.

Član 12.

Organ upravljanja u Centru je: Upravni odbor,

Organ rukovođenja u Centru je: Direktor

Član 13.

Upravni odbor ima 3 (tri) člana zajedno s predsjednikom.

Najmanje dva člana Upravnog odbora bira i imenuju se iz reda osnivača, a jednog člana biraju roditelji odnosno staratelji korisnika usluga Centra.

Predsjednika i članove Upravnog odbora imenuje i razrješava Osnivač na način propisan Zakonom i podzakonskim propisima.

Mandat predsjednika i članova Upravnog odbora traje 4 (četiri) godine.

Član 14.

Upravni odbor:

- donosi Pravila Centra uz saglasnost Osnivača i druge opće akte, ukoliko Zakonom nije drukčije propisano,
- utvrđuje godišnji Program rada Centra,
- donosi finansijski plan i usvaja godišnji obračun,
- predlaže Osnivaču izmjene i dopune djelatnosti Centra,
- daje prijedloge u pogledu organiziranja Centra, procesa rada i ostvarenja djelatnosti,
- imenuje i razrješava direktora Centra uz saglasnost Osnivača,
- rješava sva pitanja odnosa sa osnivačem,
- odlučuje o korištenju sredstava preko iznosa utvrđenog pravilima ustanove.
- Vrš i druge poslove utvrđene Zakonom i Pravilima Centra.

Član 15.

Direktor se imenuje na period od 4 (četiri) godine u skladu sa Zakonom i Pravilima Centra.

Direktor:

- organizuje i rukovodi radom Centra,
- predstavlja i zastupa Centar u zemlji i inozemstvu u okviru registrirane djelatnosti i odgovoran je za poslovanje i zakonitost rada Centra,
- poduzima sve pravne radnje u ime i za račun Centra, vodi stručni rad ustanove i odgovoran je za isti,
- predlaže unutrašnju organizaciju i sistematizaciju poslova i osnove planova rada i razvoja,
- izvršava odluke upravnog odbora,
- odlučuje o pravima, obavezama i odgovornostima radnika iz radnog odnosa,
- podnosi upravnom odboru izvještaj o finansijskom poslovanju i vrši druge poslove u skladu sa zakonom i pravilima Centra,
- zastupa Centar pred sudom i drugim tijelima, pravnim osobama s javnim ovlaštenjima,

Za direktora Centra može biti imenovana osoba koja ispunjava uslove propisane zakonom, podzakonskim propisima i Pravilima centra.

Član 16.

Osnivač može imenovati vršioca dužnosti direktora Centra do popune upražnjenog mjesta direktora u skladu sa zakonom. Vršilac dužnosti direktora ima sva prava i obaveze kao i direktor.

Član 17.

Osnovni opći akt Centra su Pravila Centra. Centar može imati i druge opće akte u skladu sa Zakonom, drugim propisima i Pravilima Centra.

Pravila Centra sadrže:

- odredbe o nazivu, sjedištu ustanove i poslovnih jedinica /ako budu osnovane/,
- obaveze ustanove prema Osnivaču,
- djelatnosti Ustanove, način i uslove obavljanja djelatnosti, odnosu prema korisnicima usluga, statusnim promjenama,
- načinu raspoređivanja sredstava za rad,
- imenovanju i razrješenju direktora, drugih organa ustanove i njihovim pravima, obavezama i odgovornosti,
- uslovima i načinu njihova imenovanja i razrješenja,
- općim aktima koji se donose u ustanovi i načinu njihovog donošenja,
- načinu ostvarivanja javnosti rada i drugim pitanjima utvrđenim Zakonom, kao i druge odredbe od značaja za rad ustanove i za ostvarivanje prava, obaveza i odgovornosti zaposlenika ustanove.

Član 18.

Nadzor nad zakonitosti rada Centra i općih akata koje donosi, obavlja nadležni organ na čijem je području sjedište, ako zakonom nije drugačije određeno. Nadzor nad stručnim radom Centra obavlja stručno tijelo određeno Zakonom ili drugim propisima.

Član 19.

Centar može prestati s radom u slučajevima određenim Zakonom. Odluku o prestanku Centra donosi osnivač uz saglasnost Gradskog vijeća.

Centar se može pripojiti drugoj ustanovi i može se podijeliti na dvije ili više ustanova, može se udružiti u zajedničku ustanovu, a odluku o tome donosi Osnivač na prijedlog Upravnog odbora.

Član 20

Ovlašćuje se Osnivač Centra da imenuje vršioce dužnosti Upravnog odbora i vršioca dužnosti direktora Centra u roku do 90 dana od dana stupanja na snagu ove odluke, na način propisan Zakonom do konačnog imenovanja na ove pozicije s ciljem izvršenja propisane procedure upisa subjekta u sudski registar.

Vršilac dužnosti direktora Centra dužan je poduzeti sve potrebne radnje za upis Centra u sudski registar, te pribaviti potrebne dozvole za početak rada Centra, najkasnije u roku do 60 dana od dana imenovanja.

Vršioци dužnosti Upravnog odbora dužni su u roku do 60 dana od dana imenovanja donijeti Pravila Centra.

Član 21.

Ova odluka stupa na snagu osmog (8) dana od dana objave u "Službenim novinama Grada Goražda".

Broj: _____
Goražde, _____ 2023.godine

PREDSJEDAVAJUĆI

Bajro Obuća

Obrazloženje

PRAVNI OSNOV:

Pravni osnov za donošenje ove odluke sadržan je u Zakonu o principima lokalne samouprave u Federaciji Bosne i Hercegovine ("Službene novine F BiH" broj: 49/06 i 51/09), Zakonu o ustanovama („Službeni list Republike Bosne i Hercegovine broj: 6/92, 8/93 i 19/94) i Statutu Grada Goražda („Službenen novine Grada Goražda“ broj: 5/18).

RAZLOZI DONOŠENJA: Sve veći broj naših sugrađana suočava se sa teškoćama u razvoju, što predstavlja veliki problem za te osobe, njihove porodice ali i širu društvenu zajednicu. Mnogobrojni su razlozi za sve veći broj osoba koje imaju poteškoće u razvoju, ovdje izdvajamo samo neke: rat i posljedice rata, društvenu tranziciju i socio-ekonomski položaj porodica. Zbog neadekvatnih uslova i specijaliziranih ustanova za podršku osobama s poteškoćama u razvoju, ove osobe odnosno njihove porodice "svoj problem" pokušavaju zadržati u krugu porodice i time vrše samoisključivanje iz zajednice odnosno vrše samodisocijalizaciju. Razlog za ovo je strah od predrasuda, stereotipa i diskriminacije. Polazeći od te činjenice kao društveno odgovorna jedinica lokalne samouprave smatramo da se ovaj problem treba sistemski rješavati, a osnivanje centra je jedan veliki korak u tom pravcu. Centar će u znatnoj mjeri olakšati osobama sa teškoćama u razvoju, njihovim roditeljima, porodicama, predškolskim i školskim ustanovama, kao i široj društvenoj zajednici. Smatramo da se ovaj problem ne može adekvatno riješiti putem udruženja, jer udruženja imaju svoju ulogu definisanu zakonom i rješavanje ovog problema putem udruženja ne bi bilo potpuno ni cjelovito.

Kao ljudi, izabrani dužnosnici u Gradu Goraždu, imamo moralnu, ljudsku i profesionalnu obavezu da podržimo i pomognemo osobe sa poteškoćama u razvoju. Razmišljati o ekonomskoj opravdanosti, kada je u pitanju podrška djeci, a posebno djeci sa poteškoćama u razvoju, nije humano, niti opravdano.

Vjerujemo da će naša inicijativa, odnosno centar imati snažnu podršku ne samo Bosansko-podrinjskog kantona Goražde, Federacije Bosne i Hercegovine i Bosne i Hercegovine, već i domaćih i međunarodnih vladinih i nevladinih organizacija.

Osnivanje Centra će dodatno afirmisati i promovisati Grad Goražde kao mjesto ugodnog života, koje svim svojim stanovnicima, samim tim i stanovnicima sa poteškoćama u razvoju pruža adekvatne uslove i promoviše humanost.

Uz saglasnost osnivača, Centar može dodatno razvijati svoje aktivnosti i širiti svoju misiju kroz partnerstvo sa drugim općinama iz sastava Bosansko-podrinjskog kantona Goražde i ministarstvima u sastavu Vlade Bosansko-podrinjskog kantona Goražde.

FINANSIJSKA SREDSTVA

Finansijska sredstva za realizaciju ove odluke osigurat će se u Budžetu Grada Goražda za 2024. godinu. Finansijska sredstva će u znatnom iznosu biti obezbijedena iz Budžeta Federacije BiH, Federalno ministarstvo rada i socialne politike. Također, sredstava za rad centra će se obezbjeđivati putem dostupnih javnih fondova iz fondova koje finansiraju projektne aktivnosti iz nadležnosti Centra.

PREDLAGAČ
GRADONAČELNIK
Ernest Imamović

